

## LAMPIRAN PEMBERITAHUAN PRODUK untuk Insurans 'PA Supreme'

**NOTA PENTING: Sila baca Lampiran Pemberitahuan Produk ini sebelum anda memutuskan untuk mengambil Polisi Insurans 'PA Supreme'. Pastikan anda juga membaca dengan terperinci terma-terma dan syarat-syarat amnya.**

### 1. Apakah produk ini?

Polisi ini melindungi anda terhadap kematian atau hilang upaya disebabkan oleh kejadian malang yang tidak disengajakan, keganasan, secara luaran dan ketara.

Polisi ini melindungi 25 jenis faedah seperti Kemasukan/Keluar Hospital Tanpa Tunai, Indemniti Berganda, Perlindungan Penculikan, Perbelanjaan Kaunseling Akibat Trauma/Fisioterapi/Psikoterapi/Pemulihan, Berbilang Keretakan atau Satu Keretakan Majmuk atau Satu Keretakan Lengkap kepada Tulang Pinggul/Pelvis/Paha/Tumit, Perlindungan Liabiliti Diri, Kecederaan akibat Kebakaran Tahap 3, Pemindahan Perubatan dan Penghantaran Pulang dari Luar Negara dan faedah-faedah lain seperti yang terdapat di dalam risalah. Faedah Mingguan boleh diinsuranskan dengan bayaran premium tambahan.

'PA Supreme' juga melindungi kematian atau hilang upaya akibat keganasan tidak termasuk keganasan disebabkan oleh penggunaan senjata nuklear, kimia atau biologi pemusnah besar-besaran.

Kelayakan – Warganegara Malaysia, Penduduk Tetap Malaysia, Pemegang Permit Kerja di Malaysia dan suami/isteri atau anak mereka yang tinggal di Malaysia. Usia Orang Yang Diinsuranskan mestilah 30 hari hingga 65 tahun. Polisi boleh diperbaharui sehingga usia 70 tahun. Kanak-kanak berusia bawah 18 tahun adalah layak untuk Pelan 1 sahaja.

### 2. Apakah perlindungan/faedah yang diberikan?

Sila rujuk kepada Jadual Faedah dalam risalah produk dan Polisi.

Tempoh perlindungan lazimnya adalah selama setahun. Anda perlu memperbaharui perlindungan anda setiap tahun melainkan anda telah mendaftar arahan pembayaran pembaharuan automatik untuk pembaharuan secara automatik, tertakluk kepada terma dan syarat Polisi.

Manfaat-manfaat yang dibayar di bawah polisi yang layak ini adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Liberty General Insurance Berhad atau PIDM (layari [www.pidm.gov.my](http://www.pidm.gov.my)).

### 3. Berapakah jumlah premium yang perlu saya bayar?

Premium yang anda perlu bayar berbeza bergantung kepada pelan/perlindungan yang dipilih dan pekerjaan anda. Anda boleh merujuk kepada risalah untuk maklumat terperinci.

### 4. Apakah yuran dan bayaran yang perlu saya bayar?

Yuran dan bayaran yang anda perlu bayar ialah:

Jenis	Jumlah
Cukai Perkhidmatan	Tertakluk kepada kadar semasa seperti yang dikenakan oleh Kerajaan Malaysia
Duti setem	RM10.00
Komisen ejen atau jika terdapat pengantara yang terlibat	25% daripada premium

### 5. Apakah terma dan syarat utama yang perlu saya tahu?

- Keputusan membuat Pendedahan – MENURUT AKTA PERKHIDMATAN KEWANGAN 2013, Seksyen 129, Jadual 9, Perenggan 5: Adalah menjadikan kewajipan pengguna untuk mengambil penjawatan munasabah untuk tidak membuat salah nyataan kepada penanggung insurans berlesen semasa menjawab apa-apa soalan yang diperlukan yang berkaitan dengan keputusan penanggung insurans sama ada untuk menerima atau tidak risiko dan kadar dan terma yang hendak dipakai.
- Pematuhan syarat-syarat polisi – kegagalan untuk mematuhi mana-mana syarat polisi akan menyebabkan semua tuntutan menjadi tidak sah.
- Syarikat adalah berhak untuk memeriksa Orang Yang Diinsuranskan semasa tuntutan dibuat dan sekiranya berlaku kematian, untuk membuat bedah siasat di mana ia tidak dilarang di sisi undang-undang.
- Apabila berlaku sebarang kemalangan yang mungkin menimbulkan tuntutan di bawah polisi ini, anda mestilah memaklumkan kepada Syarikat berserta dengan butiran lengkap kemalangan/kecederaan dalam tempoh 14 hari selepas kemalangan.
- Pihak Diinsuranskan yang berumur 16 tahun dan ke atas tetapi di bawah umur 18 tahun mesti mendapatkan kebenaran ibu bapa/penjaga sebelum membeli Polisi insurans ini.

### 6. Apakah pengecualian utama di dalam polisi ini?

Polisi ini tidak melindungi kerugian tertentu seperti:

- Risiko peperangan;
- Bunuh diri atau kecederaan diri sendiri yang disengajakan atau sebarang percubaan seperti itu ketika siuman atau tidak siuman;
- Membuat penerbangan atau perjalanan dalam pesawat melainkan sebagai penumpang berbayar dalam pesawat komersial berlesen mengikut laluan yang dijadualkan;

**Liberty General Insurance Berhad 197801007153 (44191-P)**

**Dahulu Dikenali Sebagai AmGeneral Insurance Berhad**

Liberty Insurance Tower, CT9, Pavilion Damansara Heights, 3 Jalan Damanlela, Pusat Bandar Damansara, 50490 Kuala Lumpur.  
Peti Surat 11228, GPO Kuala Lumpur, 50740 Kuala Lumpur.

Tel: +603 2268 3333 **Laman Sesawang:** [www.kurnia.com](http://www.kurnia.com)

(No. Daftar Cukai Perkhidmatan: B16-1808-31015443)

Mukasurat 1 daripada 2

- Keadaan pra-wujud dan sebarang bentuk penyakit;
- Melakukan atau cuba untuk melakukan sebarang tindakan yang menyalahi undang-undang;
- Pengaruh alkohol atau dadah yang tidak dipreskripsikan oleh pengamal perubatan berdaftar;
- Sukan profesional, luncur air, seni mempertahankan diri, sebarang bentuk perlumbaan selain daripada menggunakan kaki, mendaki gunung yang melibatkan penggunaan tali atau juru pandu atau penggunaan mesin pertukangan kayu yang dipacu oleh kuasa mekanikal;
- Sindrom Kurang Daya Tahan Melawan Penyakit (AIDS) atau penyakit Kompleks Berkaitan AIDS (ARC).

*Nota: Senarai ini tidak menyeluruh. Sila merujuk kepada kontrak polisi untuk senarai penuh pengecualian yang terkandung di bawah polisi ini.*

**7. Bolehkah saya batalkan polisi ini dan apakah caranya untuk membatalkan?**

Anda boleh membatalkan polisi anda dengan memberikan 7 hari notis bertulis kepada syarikat insurans. Selepas pembatalan, anda berhak mendapat jumlah bayaran balik premium mengikut kadar jangka pendek Syarikat berdasarkan tempoh insurans yang belum tamat sekiranya tiada tuntutan di bawah polisi ini.

**8. Apa yang perlu saya lakukan sekiranya ada perubahan kepada maklumat perhubungan/peribadi saya?**

Adalah penting untuk anda memaklumkan kepada kami sekiranya terdapat sebarang perubahan dalam maklumat perhubungan / profil kehidupan anda termasuk penamaan, pekerjaan dan kegiatan peribadi, yang mungkin mempengaruhi profil risiko anda.

**9. Di mana saya boleh mendapatkan maklumat lanjut?**

Sekiranya anda memerlukan maklumat lanjut mengenai insurans kemalangan diri, sila rujuk kepada risalah *insuranceinfo* mengenai 'Insurans Kemalangan Diri', yang boleh didapati di semua cawangan kami atau anda boleh mendapatkan senaskhah salinan daripada ejen insurans atau layari [www.insuranceinfo.com.my](http://www.insuranceinfo.com.my).

Untuk sebarang pertanyaan, sila hubungi kami di:

**Liberty General Insurance Berhad**

Liberty Insurance Tower,  
CT9, Pavilion Damansara Heights,  
3, Jalan Damanlela  
Pusat Bandar Damansara,  
50490 Kuala Lumpur  
Talian Bebas : 1 800 88 3833  
E-mel : [customer@kurnia.com](mailto:customer@kurnia.com)  
Laman Web : [www.kurnia.com](http://www.kurnia.com)

**10. Lain-lain jenis Perlindungan Insurans Serupa yang Ada**

Sila rujuk kepada laman web kami di [www.kurnia.com](http://www.kurnia.com)

**NOTA PENTING:**

**ANDA DINASIHATKAN UNTUK MEMBERI PERHATIAN KEPADA SKALA FAEDAH UNTUK KEMATIAN DAN HILANG UPAYA DALAM POLISI INSURANS ANDA. ANDA MESTI MENAMAKAN PENAMA DAN PASTIKAN PENAMA ANDA TAHU TENTANG POLISI KEMALANGAN DIRI YANG TELAH ANDA BELI. ANDA PERLU MEMBACA DAN MEMAHAMI POLISI INSURANS INI DAN BERBINCANG DENGAN EJEN ATAU HUBUNGI SYARIKAT INSURANS UNTUK MAKLUMAT LANJUT.**

Liberty General Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Maklumat yang dibekalkan dalam lampiran pemberitahuan ini diterbitkan pada 01/03/2024 dan adalah sah sehingga semakan berkala yang berikutnya.